



DEO OPTIMO MAX.  
UNI ET TRINO.

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS;  
*manè discutienda in Scholis Medicorum die Jovis vigesima*  
*Aprilis M. DCC. XLI.*

M. JOSEPHO DE JUSSIEU, Doctore Medico Præsidente,  
illius vices gerente M. ANTONIO DE JUSSIEU, Do-  
ctore Medico, Regi à Secretis, Regiæ Scientiarum Academiæ,  
Regiarumque Societatum Angliæ & Prussiæ Socio, necnon Bota-  
nices in Horto Professore & Demonstratore.

*Litteratissimæ salubris Casû usus?*

I.



EDICINAM ad libitum cavillatores laceffant, eam sem-  
per à conjecturalis scientiæ opprobrio Diaræ necessitas vin-  
dicabit. Hygieines legibus uterque sexus, ætas omnis, quæ-  
libet conditio adstringitur. Rerum naturalium usum variant  
temperamentorum, morum, ingeniorum, locorumque discrimi-  
na. Non iisdem aluntur cibus Ruricolæ ac Oppidani; victûs  
rationem aliam Principes Magnatesve, aliam Cives Plebeiique  
postulant, Suos habent morbos otiosi Divites; habent & suos Opifices innu-  
meri. Tot Attrium, tot peculiaria in morbis Symptomatum genera. Musarum  
alumnos, genus Virorum nobile, non earum tutela, non ipsa studiorum di-

2

gnitas incolumes præstat. Numerosam nimis ægritudinum seriem, laborum suorum stipendium, heu! sæpius experiuntur. Harum prima origo in animo posita est. Immoderatum sciendi cacoethes, famæ apud posteros cura, inanis auræ appetitus, æmulationis stimulus, quæstus plerumque aviditas, pathemata sunt quibus Litterati homines miserimè excruciantur.

I I.

**Q**UANTA studiorum, tanta ingenii laborum varietas. Politioribus ille Litteris difficilem operam navat; hic sui oblitus in altâ meditatione Metaphysicâ mergitur; historicis criticisque disquisitionibus alius incubat; ille carminis metri; aut numeri aucupio torquetur; palam dicturi Orator, Causidicus, Ecclesiastes assiduâ repetitione memoriam fatigant. Singulorum multiplex illud opus uno spiritum animalium dispendio exercetur; è massa sanguinea in cerebro secreti ad naturalium functionum voluntariisque obsequium in nervos fluunt. Generosi liquoris huiusce major minorve jactura studiosis morborum ferè omnium fons est. Afficitur primum stomachus, vitatur digestio, succedunt rûstus acidi, nidorosi, nausea, vomitiones ac Colici dolores. Chylus minùs ritè defæcatus exquisitâ suâ conditione orbat, sanguineam molem inficit; hinc secretiones depravate, hinc lymphâ minùs alibilis, hinc macies, genarum pallor, alvi pigritia, Arthritici, Nephriticique dolores, Calculus, Hydrops. Ex sanguinis verò visciditate, stataria vitæ supplicio, infarciuntur viscera; undè membrorum lassitudines, melancholici affectus, Icterus, Hamorroides, Asthma. Totam malorum turmam pro cuiuscunque temperamenti, victûs & studii genere variantem numerare magnum opus; quantò majus præstiterit, qui illis salubri ac grato quodam potu è familiari hygieines penu deproptus occurrer.

I I I.

**S**EMINIS Reipublicæ Litterariæ salutiferi cognitione ætas nostra illustratur. Multa de ejus historiâ commenti sunt quamplures sæculo proximè elapso, nova referre credita, improbâ arte Amstelodamum à Batavis translata, in Regium Parisiensem, Hortum successit. Hic educata peculiare genus ostendit, quod *Coffea* deinceps nuncupandum, & in eâ Botanices methodi classe, quæ Rubiam, Aparinem, Gallium &c. regionis huiusce herbas indigenas complectitur, reponendum est. Ramis hinc inde binatim è caudice enascentibus assurgit, cortici cinereus inest color, folia ex singulorum ramorum nodis stipulâ triangulari & cuspidatâ utrinquè obvolutâ & quasi vaginatis, bina ac ex adverso posita erumpunt laurinis ferè similia, hilariùs tamen supernè virentia, infernè pallidiùs, molliora, saporem odoremque nullatenus aromaticum spirantia; in ipsis foliorum alis & è stipularum utroque sinu tres ut plurimum nascuntur pedunculi breves qui florum totidem rudimenta sustinent intra foliola & stipulas minimas recondita; flores expansi sunt monopetali albi, jasmîni petalum formâ referentes, singuli insidentes embryoni ovato exiguo, cuius apici vix conspicuum, brevissimum, quinque dentatum inest perianthium; his odor suavis: stamina quinque ad incisuras limbi posita, medium floris occupant; stylus pistilli simplex è centro glandulæ nectariferæ embryonis verticem coronantis assurgens tubum floris perfodit & definit in stigma bifidum; embryo post floris delapsus fit fructus: primum virescens milii magnitudinem, dein crescens Cerasum adæquat, mox rubescit, ac perfectè maturus ex rubro infuscat, huic caro subrubra, nonnihil viscosa sapore ingrato, exsiccata fit gravior, geminans frequenter, rariùs unam involvit capsulam friabilem, subluteam, tenuem,

ex unâ parte gibbosam, ex alterâ quâ junguntur invicem planam sulcatam. Capsula involucri reconditur Semen ex viridi albicans, callosum, ovatum, convexum supra, subtus aliquatenus planum ac profundè in medio sulcatum. Caffee nuncupant Batavi & Angli, Galli Caffè. Ducentis tantùm abhinc annis feminis hujus vis in Arabiâ innouit. Ferunt capras noctu ab illius esu salire vias observationi locum dedisse, harumque exemplo Yemeni Monasterio præpositum quemdam expertum Monachos inter divina noctis Officia dormituri, hujus infusi potu expectatos habuisse. Asseverant & Mahumetanum Sacerdotem eadem ope diutius cæteris Musulmannis nocturnas preces producere solitum: Vera sint an fabulæ, nihilominus constat virtutem animos absque turbâ a somno excitandi primam in Caffè infuso fuisse observatam. In devectis ad nos ex urbe Mochâ & insulis Bourbon, San-dominicâ, Martinicâ & Cayennâ, feminibus delectus quidam ad efficacem usum confert; minora ac subviridia grana majoribus iisque albescentibus præstant odore ac pondere. Nitida ac involucris spoliata torrentur in fictili vase parenti potius quam aeneo aut ferreo cooperto; color ex cæruleo nigricans exquisitæ torrefactionis gradus est; molâ trusatili clausâ rectius quàm mortario ad quantitatens ex tempore necessariam conteruntur. Unaquæque ferventis aquæ libra pro unâ pulveris in eam injecti uncia salibus sufficienter imprægnatur. Has potus hujus parandi leges plurimorum annorum experimenta in Europâ docuerunt.

## I V.

**R**ERUM saluberrimum ea est fors, ut exitiales ab usu fiant: Multa ad alimenterum potulentorumque salubritatem adjuncta externè concurrunt. Caffè infusum aliis salutare, aliis inutile, aliis detrimento vertitur. Sorbentis temperamentum, dispositio, sorbitionis ratio, causâ, tempus; singula hujus bonitatem constituunt. Nec omni conditionum generi convenit: sibi congruum iniquè autumarent duris corporum exercitationibus addicti, novam motus dissipationisque causam respuit eorum sanguis assiduo jam labore attritus. Potum hunc Litterati imprimis aliquot abhinc annis sibi arctogarunt, peculiarem hunc eorum conditio postulabat. Vinis, Cerevisiâ, Pomaceo haud satis præter prandiorum canarumque tempora juvantur; minis efficacia his communibus potulentis auxilia quassatum studiis caput expetit, imò eorum usu aut obnubilatum gravatur, aut pro momento allevatum statim concidit, sitque novo oneri impar. Suppetiasne exinanitis promptiores ferent spiritus ardentes vulgò dicti, è vinosis hisce liquoribus elici? Suâ quidem vi actuosâ præsentem è languenti ingenio scintillam educunt; sed brevi extinguendam, nec sine inordinato superstitum spirituum animalium motu, nec sine oris siccitate, immodico corporis ardore ac vicerum obstructionibus. Læsamne in ventriculo coquendi facultatem levis aquæ potu rescient? Illa cibos quidem contritos diluet, explicabit, fermentationique aptiores reddet; per se tæte verò chylificationis producendæ impos nauseas & ructus movebit. Negaram ab aquâ simplici opem in Théè infuso forsitan invenient? Quam autem illud præbebit, cujus sudores urinamque ciendi munus est, spiritus amissos non instaurandi. Numquid citius Chocolatæ usu refocillabuntur? Obstet crassioris olei copia abundans Cacao quo depitit, novum stomacho pondus, digestu difficile, Cardialgie nonnunquam fomes. Hæc quæ in variis potibus ex fermentatis fructuum succis, vel ex foliorum aut seminum infusis desiderantur, unicum Caffè tostum ad selecti hujus hominum generis incolomitatem præstabit. Mixæ virtutis causam educta quilius torrefactione principia indicant; partium oleosarum salino-volatilium quibus turget copiam probat recreans odor nulli similis à circumfundanti oleo latè diffusus. Excellentiam arguit compacta ejus textura, quâ concremationi durius.

4

resistit, dum pleraque plantarum semina vel leviori ignis vi in carbones principiiis spoliatis rediguntur. Nec totum quo Café constat oleum ad granorum superficiem igne amandatum credas? Et id singulare præ cæteris habent, ut ipso oleo intima eorum loculamenta scateant, saporemque gratum torrefacta conlercent, non nisi triti pulveris vetustate immutandum. Quanta Litteratis tam salutarium principiorum singularis proportio non pollicetur? Quid ab infuso salibus suaviter hoc oleo intricatis non sperandum? Primus salubrem effectum acceleratâ alimentorum divisione stomachus sentiet, digestionis functioni hac sorbitione factus aptior. Hic potus celerem sanguini motum salvâ ejus compage conciliando, liberio rem secretionibus locum præbebit, cerebro spiritus animales suppeditando absque eorum influxûs ad partes alias defraudatione animos diutina applicationis vigiliarumque magis patientes reddet.

V.

**M**ULTOS si audias, hunc in potum convicia ingerunt; utilem negant, quod jam in consuetudinem abiit; consuetudini servire Litteratas nolunt; eos moris tyrannidi obtemperare vitio vertunt; potionem hanc ludicra occupationi magis quàm certæ utilitati destinatam, velut medicamen alterans proponi rident; virtutes ad forbesitis cuiuslibet arbitrium agere creditas tanquam dubias spectant; quin & incommoda nonnulli illius ex usu recensent, constrictionem alvi, emaciationem, insomnia & quandoque fluxus dysentericos. Vanæ ratiocinationes minûs attendentium ad seminis hujus tosti principia! Futilia ignorantium infusi hujus convenientiam cum studiosorum indole argumenta! Quæ obijciunt, illa sunt abusûs non recti usûs mala. Cautiones suas habet spectata hæc à quibusdâ velut indifferens, ab aliis veluti noxia potio. Tutius frequenter propinabitur ab obesis facili studio incumbenibus, corporis desidîa in Mula saginatis, & in quibus bilis non prædominatur; rariûs utantur macilenti quorum sanguis acrior, iique sibi vel minori quantitate pulverem infundant, vel Amygdalino aut Vaccino lacte temperent, nec nisi præmissâ panis bucculâ, vel aquæ cyatho sorbeant. Quânto ad Litteratorum salutem præstantius cæteris potibus infusum illud quod, medendo, eorum sapit gustui, quod animum solo odore recreat. Quanti apud eos faciendus liquor cujus repetiti haustus pacatum sanguini motum absque spirituum animalium turbâ concitant, cujus sorbitio iis nulli ferè horæ diei non convenit? Mentem manè acuit, hebetem excitat, hesternâ operis Litterarii compositione exhaustam inventioni apriorem reddit; à prandio, digestionem juvat, ingenium ciborum mole obrutum ac Bacchi quandoque tumultibus caligans expedit; sub vesperum, capiti diurno labore exinanito auxiliatur, Cephalalgia succurrit; à cenâ, torpidos animos exhilarat, vigiles sustinet, memoriamque rerum noctu discendarum onere fatiscentem sublevat.

*Ergo Litteratis Café usus salubris.*

Proponebat Parisiis ANTONIUS BERGIER, Sequanus,  
Baccalaureus Medicus, A. R. S. H. 1741,  
à sextrâ ad meridiem.